


Curpa di Mitch Henriquez lo wordo manda pa Aruba Diamars

Burgemeester di Den Haag lo cubri e gastonan



ORANJESTAD (AAN): Den entrevista cu Alfonso Boekhoudt, minister di Aruba na Hulanda, el a comenta riba e ultimo desarojo cu tin relaciona cu morto di Mitch Henriquez. Ta un turista Arubiano cu a bai Hulanda vakantie y a fayece. E caso a causa hopi conmocion y hopi discusion na Hulanda segun Alfonso Boekhoudt.

Ta un impacto hopi grandi el a causa. Nan a keda hopi asombra cu loke a pasa y a para mesora cu e famia pa cualkier situacion

cu nan mester. Tabata haciendo preparacion pa e curpa wordo manda Aruba. E famia a haye cu hopi conmocion pasobra na prome instante no tabata haya atencion debido pero na caminda diferente grupo tambe a cay aden pa bringa nan causa basa riba e morto di Mitch Henriquez.

E famia tambe tabata tin mester di espacio pa atende cu e dolor. Cas di Aruba a sostene nan den nan situacion pa calma y laga e famia pasa den nan

dolor y sigui enfoca den otro cos.

Hopi hende cu no por a acerca e famia directo nan a acerca Cas di Aruba. Burgemeester tambe a acerca pa muestra interes cu e famia pero e momento ey ainda e famia no tabata cla pa esey y sinta cune. Cas di Aruba pesey a atende cu gobierno, Ministerio Publico, Polis etc. Awor aki Aruba Huis ta intermedia cubriendo e gastonan cu burgemeester a laga sa di lo paga pa repatria e restonan pa Aruba.

Diamars cu ta bin e curpa lo wordo manda pa Aruba. Den estado di derecho esaki no ta e forma corecto segun Alfonso Boekhoudt pa atende un ser humano te causa su morto. Na Hulanda tin hopi famia y conocinan di Mitch cu tin hopi aña na Hulanda y no por bai Aruba. A pone un momento di despedida pa e amigo y famia biba na Hulanda. Esaki ta algo noble di e famia pa asina por tuma e despedida cu Mitch merece. Ta spera cu na Aruba tambe tur cos bai bon.

A puntra e minister plenipotenciario na Hulanda pa splica con nan a handle cu e rabia mandando e mensahe afo pa mantene e trankilidad? Loke a pasa nunca mester a pasa. Mester a lanta para pa muestra cu husticia mester a prevalece segun Alfonso Boekhoudt. Ta un inhusticia ta loke a pasa contra un persona. Na dado momento a perde e grip riba e hendenan cu a bin y a cuminsa causa daño.

E instancianan oficial y cas di Aruba a manda e mensahe pa mantene calma. A pidi pa tur hende keda trankil. Via media a pidi trankilidad. Aunke nos tin motibo pa ta hopi rabia cu loke a pasa Mitch, mester pensa riba e famia cu kier pasa den e dolor aki. Despues husticia lo prevalece sigur. Na prome instante mester a focus pa e investigacion tuma lugar mas objetivo y independiente y rapidoposibel. Tarijsrecherche y no polis comun ta haciendo e investigacion. E berdad no por wordo tapa y nan lo no permiti pa e berdad wordo tapa segun Alfonso Boekhoudt.

Lo keda monitor e situacion. Tabata tin un caminata silencioso y e mes como Minister Plenipotenciario a bai hunto cu colega di St Maarten y Curacao. Tur hende a haya chens di refleha y contempla riba nan mes con mester atende cu hende. E actividad a bai bon pa asina no causa mas disturbio. Awor ta spera riba e ultimo encuentro prome cu e curpa sali pa Aruba diamars.